



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՋ

ՀՐԱՄԱՆ № 72-Լ

«26» 09 2025թ.

ք. Երևան

**ԿԱՊԱՆԻ ԿԱՅԱՋՈՐԻ, ԼՈՌՈՒ ԿԱՅԱՋՈՐԻ ԵՎ ԵՐԵՎԱՆԻ ԿԱՅԱՋՈՐԻ
ԶԻՆՎՈՐԱԿԱՆ ԴԱՏԱԽԱՋՈՒԹՅՈՒՆՆԵՐՈՒՄ ՀԱՄԱԼԻՐ ՍՏՈՒԳՈՒՄ ԻՐԱԿԱՆԱՑՆԵԼՈՒ
ԵՎ ԱՅԴ ՆՊԱՏԱԿՈՎ ԱՇԽԱՏԱՆՔԱՅԻՆ ԽՈՒՄԲ ՍՏԵՂԾԵԼՈՒ ՄԱՍԻՆ**

Հիմք ընդունելով Հայաստանի Հանրապետության դատախազության կանոնակարգի 39-րդ կետը, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ և 11-րդ կետերով, 30-րդ հոդվածի 3-րդ մասով՝

Հրամայում եմ՝

1. Կապանի կայազորի, Լոռու կայազորի և Երևանի կայազորի զինվորական դատախազություններում իրականացնել 2024 թվականի հուլիսի 1-ից մինչև 2025 թվականի սեպտեմբերի 1-ն ընկած ժամանակահատվածում դատախազական լիազորությունների իրականացման և գործունեության կազմակերպման ուղղություններով համալիր ստուգում՝ համաձայն հավելվածի (կցվում է):

2. Ստուգումն իրականացնելու համար ստեղծել աշխատանքային խումբ՝ հետևյալ կազմով.

Դավիթ Նավասարդյան (աշխատանքային խմբի ղեկավար) - ՀՀ զինվորական կենտրոնական դատախազության զինվորական ծառայության դեմ ուղղված հատկապես կարևոր գործերով քննության նկատմամբ հսկողության բաժնի պետի պաշտոնակատար,

Արշակ Մարտիրոսյան - Երևանի կայազորի զինվորական դատախազ,

Վիգեն Հարությունյան - Լոռու կայազորի զինվորական դատախազ,

Վազգեն Վարդանյան - ՀՀ զինվորական կենտրոնական դատախազության կայազորների զինվորական դատախազությունների գործունեության նկատմամբ վերահսկողության բաժնի պետի պաշտոնակատար,

Էդուարդ Պողոսյան - ՀՀ զինվորական կենտրոնական դատախազության կայազորների զինվորական դատախազությունների գործունեության նկատմամբ վերահսկողության բաժնի դատախազ:


3. **Աշխատանքային խմբի ղեկավարին՝** սույն հրամանի ստորագրումից հետո՝ երկօրյա ժամկետում, դատախազական լիազորությունների իրականացման և գործունեության կազմակերպման առանձին ուղղություններով նշանակել պատասխանատուներ, իսկ մինչև 2025 թվականի դեկտեմբերի 25-ը ստուգման արդյունքներով՝ կազմել ամփոփ զեկուցագիր և ներկայացնել ՀՀ գլխավոր դատախազին:

4. **Աշխատանքային խմբի անդամներին՝** ստուգումն իրականացնել մինչև 2025 թվականի դեկտեմբերի 1-ը և արդյունքներով կազմված տեղեկանքները ներկայացնել աշխատանքային խմբի ղեկավարին:

5. Սույն հրամանի կատարման նկատմամբ վերահսկողությունն իրականացնում է ՀՀ գլխավոր դատախազը:

6. Սույն հրամանի պատճենն ուղարկել Կապանի կայազորի, Լոռու կայազորի և Երևանի կայազորի զինվորական դատախազներին:

**ԱՐԴԱՐԱԴԱՏՈՒԹՅԱՆ ԵՐՐՈՐԴ
ՂԱՍԻ ՊԵՏԱԿԱՆ ԽՈՐՀՐԴԱԿԱՆ**



Ա.ՎԱՐԴԱՊԵՏՅԱՆ

ՀԱՐՑԱԹԵՐԹԻԿ

Կապանի կայազորի, Լոռու կայազորի և Երևանի կայազորի զինվորական դատախազություններում 2024 թվականի հուլիսի 1-ից մինչև 2025 թվականի սեպտեմբերի 1-ն ընկած ժամանակահատվածում դատախազական լիազորությունների իրականացման և գործունեության կազմակերպման ուղղություններով համալիր ստուգման

1. Ստուգման իրականացման մեթոդիկան.

- 1) Դատախազական լիազորությունների իրականացման, ինչպես նաև հանցավորության վերլուծության հետ կապված ստուգումն իրականացվում և արդյունքները ստուգման տեղեկանքում ընդգրկվում են ըստ ՀՀ քրեական օրենսգրքի առանձին բաժիններով նախատեսված հանցագործությունների տեսակների, իսկ ՀՀ քրեական օրենսգրքի 15-րդ բաժնի դեպքում՝ նաև ըստ առանձին գլուխների:
- 2) Աշխատանքային խմբի ղեկավարի կողմից առանձին ուղղություններով նշանակված պատասխանատուները ստուգման արդյունքները ներկայացնում են առանձին տեղեկանքներով:
- 3) Տեղեկանքներով ներկայացված արդյունքները աշխատանքային խմբի ղեկավարի կողմից միավորվելու և ամփոփվելու են ստուգման միասնական տեղեկանքում:

2. Ստուգման ենթակա ուղղությունները.

- 1) Հանցավորության վիճակի, կառուցվածքի, շարժընթացի վերլուծության մակարդակը, ինչպես նաև հանցագործությունների կատարմանը նպաստող հանգամանքների պարզման և հանցագործությունների բացահայտման վիճակը.
- 2) Մինչդատական քրեական վարույթի օրինականության նկատմամբ իրականացված հսկողության վիճակը.
- 3) Դատարանում մեղադրանքի պաշտպանության և դատական ակտերի բողոքարկման վիճակը.
- 4) Պետական շահերի պաշտպանության հայց հարուցելու լիազորության իրականացման վիճակը.
- 5) ՀՀ գլխավոր դատախազի հրամանների, հանձնարարականների, ՀՀ դատախազության կոլեգիայի նիստերի որոշումների, ինչպես նաև ՀՀ գլխավոր դատախազի մոտ տեղի ունեցած օպերատիվ խորհրդակցությունների որոշումների պահանջների ժամանակին և պատշաճ կատարման վիճակը.

6) Դիմումների, բողոքների ու գրագրությունների քննարկման և քաղաքացիների ընդունելության կազմակերպման վիճակը.

7) Ներքին կարգապահական կանոնների պահպանման վիճակը.

8) Դատախազության գործունեության կազմակերպման, աշխատանքների վերահսկման, վիճակագրության (ներառյալ՝ «Դատախազի աշխատանքի մասին» վիճակագրական հաշվետվության էլեկտրոնային համակարգի լրացման) վարման վիճակը: